

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI
Broj: 004-0-SuDp-23-001351
Zenica, 20.11.2023.godine

Na osnovu člana 69. stav (2) tačka a), člana 70 stav (1), (4) i (6) Zakona o javnim nabavkama („Službeni glasnik Bosne i Hercegovine“, br. 39/14 i 59/22), člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“ broj 103/14), na Preporuku Komisija za nabavku, broj: 004-0-SuDp-23-001261 od 20.11.2023. godine, u postupku javne nabavke računara i računarske opreme, predsjednica Kantonalnog suda u Zenici, donosi

ODLUKU O PONIŠTENJU POSTUPKA JAVNE NABAVKE

Član 1.

Poništava se postupak javne nabavke računara i računarske opreme iz razloga što nije dostavljena nijedna ponuda u određenom krajnjem roku za dostavljanje ponuda shodno odredbi člana 69. stav (2) tačka a) Zakona o javnim nabavkama („Službeni glasnik Bosne i Hercegovine“, br. 39/14 i 59/22).

Član 2.

Ova Odluka će se u skladu sa članom 70. stav (6) Zakonom o javnim nabavkama objaviti na službenoj internet stranici Kantonalnog suda u Zenici.

Član 3.

Odluka stupa na snagu danom donošenja.

Obrazloženje

Postupak javne nabavke računara i računarske opreme pokrenut je Odlukom o pokretanju postupka javne nabavke broj: 004-0-SuFin-23-001259 od 08.11.2023. godine.

Postupak nabavke računara i računarske opreme sproveden je putem konkurentskog zahtjeva za dostavljanje ponuda. Procijenjena vrijednost javne nabavke bez PDV-a je iznosila 6.837,00 KM.

Komisija za nabavku imenovana je rješenjem broj: 004-0-SuDp-23-001260 od 08.11.2023. godine. Obavještenje o predmetnoj nabavci broj: 2885-7-1-125-3-11/23 objavljeno je dana 08.11.2023. godine na Portalu javnih nabavki i dostavljeno na objavu u Službeni glasnik BiH, te je nakon toga objavljena i tenderska dokumentacija u sistemu „E-nabavke“.

Komisija za javnu nabavku sačinila je i dostavila zapisnik o otvaranju ponuda od 20.11.2023.godine u kojem je konstatovala da po objavljenom konkurentskom zahtjevu za dostavljanje ponuda za javnu nabavku robe – računara i računarske opreme po objavljenom obavještenju o nabavci nije bilo pristiglih ponuda.

Dostavila je i preporuku ugovornom organu od 20.11.2023.godine da donese Odluku o poništenju postupka javne nabavke računara i računarske opreme.

Na osnovu dostavljenog zapisnika i preporuke, nesumnjivo je utvrđeno da u predmetnom postupku javne nabavke nije dostavljena nijedna ponuda u određenom krajnjem roku, čime su se stekli uslovi za poništenje postupka javne nabavke.

U postupku ocjene provedenog postupka predmetne nabavke, Ugovorni organa nije našao razloge, nepravilnosti niti propuste u radu koji bi eventualno bili osnov za neprihvatanje Preporuke Komisije za nabavku.

U postupku je ocijenjeno, da je Komisija za nabavku u svemu pravilno postupila, te da je Preporuka o poništenju postupka javne nabavke data u skladu sa odredbama Zakona o javnim nabavkama, podzakonskim i općim aktima.

Iz navedenih razloga, primjenom člana 69. stav (2) tačka a), člana 70 st. (1), (4) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, u roku od 10 dana od dana prijema ove odluke.

Dostaviti:
1x www.ksud-zenica.pravosudje.ba
1x a/a



Predsjednica Suda

Snježana Čolaković
Snježana Čolaković